

姑蘇襟詠目錄上下卷

風俗 一首

吳趨行

古蹟 三十首

郊臺

長洲苑

梧桐園

采香徑

是狗塘

姑蘓臺

丁令威宅

館娃閣

響屐廊

百花洲



藏園校定群書

吳王井

言公井

西施洞

香水溪

酒城

雞陂

翫花池

琴臺

斥里村

死亭灣

毛公壇

支道菴

放鶴亭

稚兒塔

烏夜村

蔡經宅

生公臺

甫里即事

四首

臨頓里

十首

石射棚

禡廟

十首

至德廟

子胥廟

春申君廟

三高祠

三首

聖姑廟

白龍廟

三賢堂

范文正公祠

黃姑廟

短簿祠

冢墓 二十五首

瑤姬墓

闔閭墓

要離墓

吳女墳

干將墓

梁伯鸞墓

吳桓王墓

石崇墓

顧野王墓

貞娘墓

綽墩

韓蘄王墓

山川

洞庭山

陽山

思夫山

五塢山

虞山

龍門

白馬澗

劍池

石屋

練瀆

明月彎

飛來峰

越來溪

採蓮涇

天池

女墳湖

銷夏灣

硯池

錦帆涇

泉石

五首

白雲泉

石井泉

寒泉

太湖石

千人石

五丈石

園亭 六首

顧辟疆園

南園

松江亭

齊雲樓

滄浪亭

鱸鄉亭

涵空閣

寺宇 六首

靈巖寺

南峰寺

楞伽寺

堯峰院

慧聚寺 二首

孤園寺

橋梁 四首

垂虹橋

臯橋

乘魚橋

楓橋

烏鵲橋

雜賦 二十七首

南山有鳥

王波冷雙蓮

芷秀葑華

王敬伯歌

吳鈞行

疊韻吳宮詞

聞鴨篇

鶴媒歌

牛宮詞

照田蚕詞

偃松行

弔幽獨君

開元寺石鉢

兩妓

自序

高季迪姑蘇襍詠

古吳衛拱宸翼明父編輯

風俗

吳趨行

古樂府有吳趨吳人歌其土風也

僕本吳鄉士請歌吳趨行吳中寔豪都勝麗古
所名五湖洶巨澤八門洞高城飛觀被山起游
艦沸川橫土物既繁雄民風亦和平泰伯德尚
在言游文學成長沙啟伯基異夢表休禎舊闕

凡幾家奕代產才英遭時各建事徇義或騰聲
財賦甲南州詞華並西京茲邦信多美粗舉難
備稱願君聽此曲此曲匪誇盈

古蹟

吳王郊臺

在橫山東麓吳僭王時嘗祀帝也

周綱昔隳頓禮樂由諸侯吳子之代德居然祀
圜丘燔燎升紫壇青絃映玄裘靈明豈來歆幣
王空旅羞國南見遺壘蕭條秀山陬雲和罷九
奏草樹鳴颼颼從來跋扈徒幾人効其尤魯郊
失禮始聖筆書春秋

姑蘇臺

在橫山西北麓夫差因越獻柂楣而起
此臺造九曲路以登其高見三百里越
破吳焚之

金椎夜築西山土催作高臺貯歌舞文身澤國
構王基却笑先人獨何苦銅鋪玉檻盛繁華勾
出峰頭一片霞望處直窮三百里役時應廢幾

千家蟠空曲路迷仙仗攀盡瑤梯纔到上外繞
雕龍宛轉欄中施繡鳳歲幾絳帳熏爐長藝鬱金
香共道千齡樂未央茂苑月來秋佩冷洞庭雨
過夏綃涼當窓衆妓如仙女楊袂迎風欲輕舉
人從天上見經過鳥向雲間驚哭語日暮橫塘
花盡開卷簾臺上望王來宴舟初自觀魚返獵
騎還從射鹿迴從登不用持鉞隊自列紅妝侍
高會香傳羅帕進黃柑縷切鸞刀供玉鑿燭光
遠落太湖波驚起魚龍出沒多城上鳥啼河漢
轉此時誰問夜如何管絃嘈嘈聒人耳不聞兵
來渡溪水欲携西子走登舟醉倚畫筵嬌不起
瞑目無因到甬東可憐一炬綺羅空獻楫竟墮
讐人計賜劍應孤諫士忠客來試問遺宮路物
色荒涼總非故牽衣始信不虛言滿地荆榛見
零露當年爭奪苦勞機却把江山付落暉聞說
越王臺殿上如今亦有鷓鴣飛

長洲苑

在太湖北岸闔閭遊獵處也

中國久無伯圖問思聘功講蒐開別苑訓武出
離宮宰嚭應參乘平臣實御戎鼓鳴深谷應置
掩廣場空遠曳捎雲旆高彎射月弓三驅儀已
畢七伐步還同甲騎逆輿浚蛾眉侍幄中煮胎
須紫豹而掌得玄熊樂事方難極英圖忽易窮
城迷歌黍客地屬采莠童輦道崩秋雨旗門失
晚風犬亡魏肆狡人去雉爭雄草樹迎蕭索湖
山罷鬱蔥猶疑見獵火寒燒夜深紅

在角里村後

丁令威宅

在陽山有鍊丹井存焉

令威作仙上天去舊宅留在青山阿千年雖廢
但遺井何處更聞華表歌南陌黃塵足去客東
流碧海絕迴波鶴歸重覽應惆悵地上丘墳今
又多

梧桐園

在吳宮夫差園也

桐花香桐葉冷生宮園覆宮井雨滴夜風驚秋
鳳不來君王愁

館娃閣

在靈巖館娃宮中閣也

館娃宮中館娃閣畫棟侵雲峰頂開猶恨當年
高未極不能望見越兵來

采香迳

在香山之傍吳王種香於此使美人采
之

晨妝出采芳零露濕紅裳種徙山中品熏傳海
外方抱筐歸蕙迳焚鼎薦蘭堂未足娛君寢西
施體自香

響屧廊

在靈巖山吳王使西施步屧於此寺中
今以圓照塔前小斜廊為之

廊虛應屧鳴響細識腰輕誰道吳強國唯銷舉
足傾苔間滅古跡月下歌餘聲此夕人空聽山
僧曳屐行

走狗塘

在城西吳王作

春堤長春草淺此地吳王曾走犬獵場四面圍
畫旗紅炬照輦還宮遲割鮮夕宴誰共食臺上
西子非樊姬春苑年來草仍綠韓盧已去多麋
鹿君不見漢皇縱狗殊有功逐兔直到烏江東

百花洲

在姑蘇臺下

吳王在時百花开畫船載樂洲邊來吳王去後
百花落歌吹無聞洲窸窣花開花落年年春前
後看花應幾人但見枝枝映流水不知片片墮
行塵年來風雨荒臺畔日暮黃鸝腸欲斷豈唯
世少看花人縱來此地無花看

吳王井

在靈巖山

曾開鑑影照宮娃玉手牽絲帶露華今日空山
僧自汲一瓶寒供佛前花

西施洞

在靈巖山半

廢宮春盡長蒼苔不見羅裙拂地來只恐西施

此首在姑蘇臺後

自仙子洞中別自有樓臺

香水溪

在吳故宮俗云西施浴處

粉痕凝水春溶溶暖香流出銅溝宮月明曾照
美人浴影與荷花相向紅玉肌羞露誰能見只
有鴛鴦窺半面絳綃圍掩怯新涼歸卧夫容池
上殿空洗鉛妝不洗妖坐傾人國幾良宵驪山
更有湯泉在千古愁魂一種銷

酒城

在越來溪西南吳王築以釀酒

酒城應與酒池通長夜君王在醉中兵入館娃
猶未醒越人宜賞釀夫功

雞陂

在婁門外吳王養雞城也

吳妃不解報朝盈空春鳴雞滿別城畢竟餘杭
西走日五更誰唱出閨聲越兵追夫差至秦餘
杭山獲之

翫花池

在靈巖山

桃枝兼杏枝春色繞宮池正愛紅繁處還憐綠
淨時芳香泛幽汀媚影照清漪垂條看妓折墮
萼見魚吹杯涵明月瀉舟逐彩雲移水流花落
盡君王醉不知

琴臺

在靈巖山

美人玉琴何處游遺譜瀉入風泉秋落葉無人
登舊榭滿山明月烏啼夜

角里村

在洞庭山四皓之一甫里先生之鄉也

高皇本壯士提劍定四方晚為兒女情悲歌起
彷徨愛子欲建儲寵姬方侍側願驚四老人謂
已成羽翼大臣豈不諫孰能幹天機彼翁何為
者足見人心歸始潛避秦君終出安漢嗣世羅
焉能羈舒卷聊自肆我來角里村如入商顏山
紫芝日已老黃鵠何時還斯人神仙徒千載形
不滅猶想蒼巖中白頭卧松雪

死亭灣

在閭門外漢朱買臣妻恥而自縊處也
貧賤衆所棄豈惟愚婦人珪組何重輕能令變
交親翁子昔未逢妻去恥負薪五十非晚貴不
能待終晨一旦謁帝闈還家繡衣新郎吏鷲赤
綬邦人候朱輪無顏見故夫自殺此水濱誰知
孟德曜元在爾東隣

毛公壇

在洞扉山漢劉根得道處根既仙身生
綠毛人或見之故名毛公有鎮壇符存
欲觀漢壇符東上縹緲峰葛花墜塞露夕飲清
心胸月出太湖水鶴鳴空磻松真境久寂寥蒼
苔闕靈蹤嘗聞綠毛叟變化猶神龍世人豈得
見偶許樵夫逢攀險石易疲探玄志難返歸出
白雲外空聞仙觀鐘

支遁菴

在南峯晉高僧支道林剡山為龕以居
閒登待月嶺遠叩棲雲闕石室閒千載高僧猶

未還殘磴黃葉下古座青苔閒不見跏趺影鶴
鳴空此山

放鶴亭

在天峯寺支遁放鶴處也余為作放鶴

辭

放鶴去當高飛啄莫爭雞鶩食遊莫近虞羅機
雲山海嶠堪來往明月千秋待爾歸

稚兒塔

在半塘法華院晉道生有誦法華經童

子死葬此義熙中商人謝本夜聞經聲
旦尋見塚上生青蓮花郡聞詔建塔

黃土但埋骨豈能埋性靈昔聞宿草間曾吐蓮
花青身卧長夜臺口誦西方經尋跡殊宵宵聞
聲每冷冷寒燈照空塔時有山僧聽應使隣塚
兔沉迷盡皆醒

烏夜村

在崑山南晉穆帝后父何准寓此生后
之夕群烏驚啼因名

如魚在言
荒村烏夜棲忽繞月明啼生得東家女身為萬
乘妻至今種高樹不遣烏飛去居人凡幾家爰
聽啼啞啞啼啞啞勿驚怪婦開門向烏拜

蔡經宅 至今其地名為仙人堂

在胥門後漢中散大夫王方平得道嘗
教經尸解之術又與麻姑過飲其家

昆侖王者王方平身騎黃麟朝紫京舉手長辭
漢公卿得道不願世上名往來隱玄與朱明洞
中各有白玉城絳衣游空擁幢旌三山五嶽自

按行冷風吹動天樂鳴瓊簫琅琅和鸞笙羽衛

蹙踏山海崩龍車鶴御紛相迎嘯呼神官走吏

兵螭魅罔兩號且驚暫來經家駐雲程人馬不

見但有聲虎頭擊囊佩蒼精神光赫然照軒楹

授以至言可長生凡骨已作蟬蛻輕麻姑來會

尋仙盟芳姿娉婷似飛瓊言從昔年宴蓬瀛又

見弱水三淺清瓜可爬背念始萌仙意已識遭

筮榜餘杭阿姥酒罷傾攝景忽去烟雲橫家人

悲望空惻惻桑田回首幾變更神仙在世每自

呈凡夫不識等瞽育丹元有田不解耕但愛狗
苟還蠅營榮華未滿咎責盈忽化腐鬼歸荒塋
金丹可學道可成木鑽石盤貴精誠誰能自拔
水火坑飛游往來瑤樹英千載或有歸來情

生公臺

在虎丘山生公說法時石皆點頭

鳥銜天花飛講罷空山夕惆悵解禪談人那不
如石

此下有涵
空閣一首

臨頓里

在城東舊為吳中勝地陸魯望所居也
皮陸有詩十首詠之余悉次其韻蓋仿
佛昔賢之高致云

其一

聞說橋東地高人舊隱居養生應有道覓舉絕
無書愛救粘絲蝶嗔鷺出水魚時尋戴顯宅自
駕短轆車

其二

應愛山齋好秋風不捲茅鑿渠侵螳穴移樹帶

禽巢人世直真浮梗吾生豈繫匏不逢皮迭事誰
結歲寒交

其三

載酒携山榼安琴製石床
皂眠皆傍母蜂去自
送王穀雨牧茶早梅天
曬藥忙不扯靈壽杖筋
力老能強

其四

自少圖名意誰言世不知
僧求開寺記客送買
山資細雨魚生子斜陽
燕哺兒平生無事迫平

苦為尋詩

其五

斬伐憑樵斧經綸在釣車
薄雲還露月小雨不
妨花酒債應多處詩名自一家
虛煩時主召懶
脫故衣麻

其六

長物元無有何勞犬護赤
備看高士傳學製道
人衣窓破容螢入船空載
鶴歸定緣幽事繞不
是宦情微

其七

澹泊心情在蕭疎鬢影殘引泉規作沼留筍待
成竿自洗露泥屐誰收掛壁冠毛公新有約月
夜禮天壇

其八

沐罷便輕幘消搖詠晚天清風蘇病鶴驟雨禁
鳴蟬舊史堆緗素新經綠洞玄誰知城廓裏別
自有林泉

其九

汨汨泉通圃蕭蕭柳映門折花遙倒豔踏藕損
蓮根飢鴨呼歸艦新蠶試浴盆屋前高石在知
是鬱林孫

其十

茶租催未得菊餌復還能行古時人笑文工造
物憎貧留漁艇載老謝鶴書徵誰識先生樂悠
然卧枕肱

石射棚

在石城山又有石鼓世傳鳴則有兵山

上有石馬望如人騎

石射珊瑚張石城石磬響或發石騎勢欲行彷彿
古戰場共有愁雲生餓鷓嘯寒風若若箭鏑鳴
何人作此留山中鳥獸欲過膽盡驚疑是神禹
治水時來教鬼射降妖精至今風雨夕猶聽人
馬聲嘗聞父老言鼓鳴則有兵方今瘡痍民脫
命見太平我願碎其鼓隳其棚
一人安四海清自此萬年無戰爭

祠廟

至德廟

在閩門內祀恭伯也余思其德作之荆
操

粵我有土岐山之下孰是營之維我考祖今我
于邁自岐徂荆豈不懷歸念我弟兄民勿我思
我斯安只國已有后先君季子

子胥廟

在盤門內余哀其忠作弔伍胥辭
覽勾吳之故墟兮灌莽鬱其龍從館娃廢而為

治兮歸伍胥之遺宮奚千祀而弗毀兮繫若人之死忠昔窮逋而渡江兮奮孤跡於羈旅既入郢而雪恥兮又棲越而攘侮使彼吳之强大兮非夫子而孰為何夫差之自喜兮遽忽戒而荒娛陳昌之言悃款兮寔不忍視國之貼危衆以子為巨信兮肆讒辭之詆欺夫豈不能全身遠適以自庇兮顧先王之舊德卒待隕而何言兮恨終不能寤君之屢惑載鴟夷兮浮游魂惇惇兮在中流江神為子兮哀憤鼓洪濤於高秋嗟君子之出輔兮孰不願為伊臯使言從而志行兮致雍熙之陶陶何齟齬而多患兮惟重華之不可以屢遭鄂侯諍而就醢兮龍逢諫而見屠蓋自古而有之兮匪夫子獨罹乎此辜身雖沒而義安兮又舍是將焉適索彼循然而苟容兮寧獲免乎泚額想子猶念夫故都兮或乘雲而來歸顧荆棘之多露兮應攬涕而歔歔余亦何為而感慨兮懼直道之墜也聊陳詞而表烈兮亦邦人之志也

春申君廟

在子城西南即舊城隍神廟也楚封春
申君于吳故祠之

封吳開巨壤相楚服強隣名重三公子謀踈一
婦人畫幃留古像珠履絕遺塵簫鼓時迎祭還
憐舊邑民

三高祠

在吳江垂虹橋東祀越范蠡晉張翰唐
陸龜蒙也為賦三絕句

志

功成不戀上將軍一舸歸游笠澤雲載去西施
豈無意恐留傾國更迷君

張翰

洛陽忽憶鱸肥便趁秋風問釣磯猶恨季鷹
辭未早不邀二陸共舡歸

陸龜蒙

鴨羣無食水田荒風雨孤蓬載筆床猶有新詩
驚太守醉中揮翰木蘭堂

此下有願
崇廟祀薄
祠二音

聖姑廟

在洞庭鼇頭山晉王彪女得道或云姓
李氏祈禱者不誠則風迴其舟

湖心涌出鼇頭山白波翠鳥非人寰清虛宜作
水仙府鱗堂荷屋居其間淵都群靈孰為主烟
鬢脩然一神女柔姿誰敢狎相親笑叱鼇龍起
雷雨玉骨蟬輕蛻幾秋世緣已斷靜無愁采蘭
每約湘濱會拾翠時陪漢上游水禽翔鳴衛芝
蓋長在蒼茫杳冥外鮫人獻綃裁作衣繚女供
珠綴為佩花落閒祠謝古春蕙幃瑶席掩香塵
空山夜々星河遠芳渚年々蘅杜新霞舒霧捲
凝光彩笑語無聞復誰待冷風幾度引舟迴宛
似蓬萊隔烟海猿叫楓林魚躍波桂旗翻翠幕
寒多女巫佇望飛羣度獨奏笙篴引曼歌椒觴
奠罷沉玄壁鳥沒遙天湛空碧遺情不結楚臺
雲世人何處尋蹤跡

白龍廟

在陽山世傳東晉時居民繆氏女生一

肉塊化白龍而去女驚絕遂立祠山顛
又云龍子分職瀟湘每歲必歸省母余
為作迎送神曲

薦芳兮奠醑斷水為梁兮葺荷以為宇神不來
兮孰與處空山漱兮暮多雨渺吾望兮瀟湘雲
冥兮水茫兮有美人兮在堂盍歸去來兮故

鄉

渠赤鯉兮從文鼉冷風迴兮水驚波儼靈旗兮
來下巫撫節兮安歌安歌兮未極倏迴轉兮山
之側南有淵兮北有湫神不留兮我心憂願歲
來兮惠我秋

三賢堂

舊在郡治祠唐刺史韋應物白樂天劉
禹錫

吾邦古名藩出守皆時賢有唐三使君風流最
能傳韋公既前蹈劉白乃後連政成屬時康民
瘵各已痊良辰極游會消搖若神仙畫戟衛高
館彩舟漾平川晨移閒齋檜夕賞花蓮池逸韻

女真不刊言
邁群流豈將文墨牽至今郡中人猶想布治年
時事屢變易遺祠委榛烟湖山少清氣草木空
餘妍嗟我生苦遲無由側願賓筵殷勤展風慕載
詠西樓篇

范文正公祠

在太平山公祖父家在祠前乃置義莊
在山下子孫至今守之

開閣陳書對御筵共言天子得時賢才陪上相
趨廷內據撫蒙羗出塞邊松柏自依先隴廟稻
禾猶滿義莊田古來直道難終合何必深嗟慶
曆年

黃姑廟

在崑山縣東黃姑即牽牛星由河鼓訛
也父老言其精嘗降于此因祀之

農祭頻來水廟扉銀河東望失星輝天孫秋夜
應相憶一去人間竟不歸

冢墓

闔閭墓

在虎丘山塋用銅棺瀕池金玉為鳧鴈
魚腸之劍在焉三日有白虎踞其上

水銀為海接黃泉一穴曾勞萬卒穿謾設深機
防盜賊難令朽骨化神仙空山虎去秋風後廢
榭烏啼夜月邊地下應知無敵國何須深塋劍
三千

要離墓

在閭門金昌亭傍

弱夫殺壯士誰敢嬰餘怒今日古城邊耕人肆

侵墓

吳女墳

在閭門外闔閭女也因悅童子韓重不

得而死王舞鶴於市送之今有鶴舞橋

魚燈照艷魄夜冷珠衣薄白玉土中埋紅蘭霜

後落不乘臺上鳳空舞橋邊鶴韓重未歸來泉

宮秋寂寞

干將墓

在匠門外王使鑄劍二匿其陽王殺之

此下有孺
姬墓一首

後耕者嘗見青蛇繞其冢上
干將善鑄劍成終殺身吳伯亦遂亡神物豈
不神始知服諸侯威武不及仁徒勞冶金鐵精
光動星辰莫邪應同埋荒草千古春青蛇冢間
出猶欲恐耕人

梁伯鸞墓

在泰伯廟西金昌亭傍伯鸞嘗作五憶
歌余因效之以弔其墓

顧瞻亭泉兮噫丘墳有蒿兮噫鸞春亦勞兮噫
危邦可逃兮噫先生何高兮噫

吳桓王墓

在盤門外三里政和間村民發之得金
玉甚多相傳吳長沙桓王孫策所葬也
朝出南郭門高墳鬱蒼蒼借問葬者誰乃是長
沙王黃腸豈不錮盜發取所藏金環出世間封
樹無暉光緬思衰炎際當塗逞奸疆英雄失所
據虎視誰敢當王初奮穉孤英風凜飛霜談笑
定江東賢豪歛來翔少假須臾年足見伯道昌

胡為困讎奴輕獵不自防天意豈佑魏遽使斯
人亡因觀感往事喟焉令人傷

石崇墓

在吳縣西六里潘岳之墓在其北岳金
谷詩云白首同所歸卒與崇同被害

糾湏欲怒珊瑚折步障圍春錦雲熱真珠換妾
勝驚鴻笑踏香塵如踏空酒闌金谷鶯花醉家
逐樓前舞裙墜財多買得東市愁羅綺散盡餘
荒丘猶憐白首同歸者坐伴游魂楓樹下

顧野王墓

在楞伽山下雲間又有野王讀書堆

南朝舊碑倒墓近樵蘇道應與讀書堆離離總
愁草

貞娘墓

在虎丘寺西吳名妓也

金釵奠小墳楊柳寺前村已斷花間信空歸月
下魂山鶯留曲韻草露帶啼痕車馬逢寒食還
來酌酒樽

綽墩

在崑山西相傳唐天寶優人黃番綽墓也

淳于曾解救齊城優孟還能念楚卿嗟爾只教天子笑不言憂在祿兒兵

韓斬王墓

在靈巖山西麓有穹碑在焉

宋室中興日將軍武略優功宜超賈鄧名恥並張劉白馬空南渡黃龍竟北游誓禽諸部種還

報兩宮讐朝使頒金冊邊人識錦裘躍戈衝野障橫倬截江流殘虜亡魂走

洞庭山

在太湖中即包山舊無蛇虎雉三物有穴乃靈屋洞天闔閭使靈威丈人入探得禹所藏治水符并不死方其中有銀房石室并白芝紫泉又有兩圓石叩之則鳴謂神鉦云

朝登西巖望太湖青天在水飛雲孤洞庭縹緲

此下脫二十七句
此下有虎丘天
平山陽山音

兩峰出正似碧海浮方壺嘗聞此山古靈壤蛇
虎絕跡歡樵夫濤聲半夜恐魂夢石氣五月寒
肌膚居人彷彿武陵客戶種橘柚收為祖高風
欲起沙鳥避明月未出霜狼呼中有林屋仙所
都銀房石室開金鋪羅浮峨眉互通達別有路
往非人途天后每降龍垂胡神鉦忽響驚棲巖
自懸日月照洞內古木陰蔽空朝晡風吹白芝
晚易老雲帶紫泉秋不枯靈威丈人亦仙徒深
入探得函中符玄衣使者不暇惜欲使出極蒼
生蘇後來好事多繼往石壁篆刻猶堪摹千年
玉鼠化蝙蝠下撲炬火如飛鳥玄關拒閉誰復
到似恠衣上腥塵汗勿言神仙事恍惚靈蹟具
在良非誣我生擾擾胡為乎坐見白髮生頭顱
久欲尋真未能去局束世故緣妻孥何當臨湖
借漁艇拍浪徑渡先雙鳧獨攀幽險不用扶身
佩五嶽真形圖夜登天壇掃落葉自取新水供
丹爐此身願作仙家奴不知僊人宵許無狂語
醉發應盧胡

思夫山

在太湖中舊說秦有逸人居此採藥不
返妻念之而死人哀之以名山

江上曾看望夫石湖中望見憶夫山夫君好采
山中藥獨得長生竟不還不似蕭郎與秦女乘
鸞同去彩雲間

五塢山

在城西南十五里即橫山也中有五塢
故名為塢五絕句

飛泉塢

山空響更遠雨過流還急餘沫灑迴風一林紅
樹濕

脩竹塢

色映溪沉沉秋雲生夕陰無限楚山意鶴鳴風
滿林

丹霞塢

遙聞丹霞塢中有餐霞者絳彩發朝朝還同赤
城下

白雲塢

雲開見山家雲合失山路聞語知有人欲尋已
迷誤

芳桂塢

欲攀淮南樹人去山寂寞嫋嫋涼風生疎花月
中落

龍門

在天平山

龍門何崢嶸此地表竒蹟山分兩崖青天豁一

罅白知非禹功鑿想是鬼手擘長為風雨闐闐
悶自朝夕深含未吐雲對峙不崩石日光寒易
傾苔色陰更積只疑過此內便與人境隔始窺
已幽深漸入尤險窄暗中把危藤蜿蜒欲驚鬼
僧留看古刻敲火照絕壁晚聞松聲號洶若波
浪激不知神魚飛到此誰點頭我嘗謁
天門認通籍何必更區區求為李膺客

劍池

在虎丘山

此下有飛來
峰卓筆筆
石屋太湖天
池馬棚六
首

此下有龍山
一首

于將欲飛出巖石裂蒼礪中間得深泉探測費
修綆一穴海通源雙岷樹交影山中多居僧終
歲不飲井殺氣凜猶在棲禽夜頻警月來照潭
空雲起虛壁冷蒼龍已何去遺我清絕境聽轉
輓轡聲時來試幽茗

練瀆

在太湖吳王開以練兵

吳越水為國行師利舟戰夫差開此河餘艘試
親練十萬凌潮兒材比飲飛隼鼓棹激風濤揚
舳逐雷電當時意氣盛謂已無勾踐鷗遊去沙
洲龍愁閉淵殿恃強非伯圖倏忽市朝變臺上
失嬌姿泉間掩慚面至今西山月恨浸秋一片
猶有網魚人時時得沉箭

明月灣

在太湖洞庭山下

木葉秋乍晚霜鴻夜猶飛扁舟弄明月遠度青
山磯明月處處有此處月偏好天濶星漢低波
寒笑荷老舟去月始出舟迴月將沉莫照種種

如魚神譜
髮但照耿耿心把酒酌水仙容我宿湖裏醉後
失清輝西巖曉猿起

越來溪

在橫山下越伐吳兵自此入

溪上山不改溪邊臺已傾越兵來處路流水尚
哀聲昨日荷花生今朝菱葉死亡國不知誰空
今怨溪水

採蓮涇

在城西南相傳吳王使美人於此來蓮

青蓮戢多子採得儂心喜今夜水風涼君王宿
船裏行處綠雲迷歌聲一道齊回頭調越女何
似若耶溪

女墳湖

在吳縣西北吳王葬女處事具吳女墓

注

月映孤墳近水頭芙蓉還似綺羅秋烟波千古
愁難盡因帶韓生別淚流

銷夏灣

在太湖吳王避暑處也

涼生白苧水雲空湖上曾開避暑宮清簟疎簾
人去後漁舟占盡柳陰風

硯池

在靈巖山

山骨誰鑿破一泓自深黝醉後欲濡毫蜿蜿見
科斗

錦帆涇

在城內即濠也世言吳王於此錦帆以

游

水繞荒城柳半枯錦帆去後故宮蕪窮奢畢竟
翰漁久長保秋風一幅蒲

此下有虞山一首

乙丑三月清明後三日用洪武本覆勘於清泉吟社

高季迪姑蘇襍詠

泉石

白雲泉

在天平山腰乳泉也

白雲不為雨散在清泉流泉
冰復成雲山中同一秋巖前石
竇幽寒處雲自長浮泉自注
潛龍未起出深泓渴鳥時來
下高樹雲應無心飛上天泉亦
不肯隨奔川老僧愛此不復下
山去卧雲飲泉終歲年

洪武本不
分卷

石泉井

在虎丘山四面石壁天成張又新品為
第三泉

清源生石脈冷逼煮茶亭淨映銀牀色明開玉
鑑形分秋歸客鼎汲月貯僧鉸樹影沈泓碧苔
文漬壁青熱中嘗可滌醉後嗽堪醒品第宜居
首誰修舊水經

寒泉

在支硎山有石平廣泉流其上

遠落叢峰間平流盤石上月照欲成潭風吹不
生浪聲兼寒葉下色映秋苔漲野客照羸顏曾
來倚筇杖

太湖石

出洞庭西山生水中者貴唐牛僧孺家
諸石以此為甲宋宣和間朱勳取進之
大見珍異

没人采石山根淵投身下試饑蛟涎馮夷不解
護潛寶幾片捧出如青蓮寒姿本是湖水骨波

此下有五丈石一首

濤漱擊應千年初疑鬼恠離洞府珊瑚鐵網相
鉤連嵌空突兀多異態雲吐夏浦芝生田龍鱗
含雨晚猶潤豹質隱霧朝常鮮清音扣罷磬韻
遠微靨洗出珠窩圓坐移名岫置庭砌日照仿
彿生紫煙三峰削成秦華掌一穴透入仇池天
醉中時到倚蒼蘚秋風冷逼吟詩肩洛陽函墅
汴宮苑當時駢列誇奇妍黃羅封蓋素氈裹萬
里貢餉勞車船奢游事歇家園廢盡仆荆棘荒
池邊人生嗜此亦可笑有身豈得如石堅百年
零落竟誰主空品甲乙煩題鐫又嗟此石何獻
巧自召鑿取虧天全不如頑礪世所棄馮山長
作牛羊眠

千人石

在虎丘劔池上

池上盤陀石千人列坐曾如今跌夜月唯有一
山僧

園亭

顧辟疆園

其地今不可考自晉以來最為有名故
追賦一首

江左風流遠園中池館平賓客久寂寞狐兔自
縱橫秋草猶故綠春花非昔榮市朝亦屢改高
臺能不傾

南園

在城南吳越廣陵王錢元璩所闢營之
三十年勝甲吳中今郡學前菜圃也

君不見平樂館古城何處寒雲滿君不見奉
園荒臺無蹤秋草繁白日沈山水歸海寒暑頻
催陵谷改皇天大運有推移富貴於人豈長在
請看當年廣陵王雙旌六纛何輝耀幸逢中國
久多故一家割據誇雄彊園中歡游恐遲暮美
人能歌容能賦車馬春風日日来楊花吹滿城
南路疊石為山引泉為池辟彊舊園何足竒經
營三十年欲令子孫永保之不知回首今幾時
繁華掃地無復遺門掩愁鴟嘯風雨種菜老翁
來作主空餘恠石卧池邊欲問興亡不能語春

蘇軾詩

已去人不來一樹兩樹桃花開射堂鞠圃俱青
苔何須雍門琴但令對此便可哀人生不飲胡
為哉人生不飲胡為哉

松江亭

在吳江垂虹橋上

泊舟登危亭江風墮輕幘空明入遠眺天水如
不隔日落震澤浦潮來松陵驛綿綿洲渚平奔
奔葭莢積憑欄不敢唾下有龍窟宅帆歸雲外
秋鳥下煙中夕欲炊菰米飯待月出海白喚起
弄珠君閑吹第三笛

齊雲樓

在子城上今燬

境臨烟樹萬家迷勢壓樓臺衆寺低斗柄正垂
高棟北山形都聚曲欄西半空曾落佳人唱千
載猶傳醉守題劫火重經化平地野鳥飛上女
垣啼

滄浪亭

在郡學東積水數十畝蘇子美得之構

亭於上其名始著

滄浪平無風波之驚滄浪廣有風月之賞吳興
長史舊遷謫買得此水自號滄浪客垂釣在北
渚榜船臨西洲白鷗不來往遺興誰同游發清
歌弄清景醉入荷花夢魂冷天念儒臣去國完
故與無塵水雲境斯人去已遠我來空復情滄
浪水雖在不似昔年清躊躇獨過亭前路疎葦
寒煙沙鳥鳴

鱸鄉亭

在吳江以陳文憲公詩語名也

獨上鱸鄉亭秋風南浦生載誦黃花句遙思張
步兵天空白水遠日墮赤楓明我亦東歸客一
壺宜醉傾

涵空閣

在靈巖寺

哀哀波濤漠漠天曲欄高棟此山顛置身直在
浮雲上縱目長過去鳥前數杵秋聲荒苑樹一
帆暝色太湖船老僧不識興亡恨只向游人說

女
往年

寺宇

靈巖寺

在靈巖山吳館娃宮舊地也

聞上香臺望下方漁村樵塢盡蒼蒼傾城人遠
苔生逕歸寺僧稀葉滿廊雲散池邊留塔影雨
來閣外失湖光廢興皆幻何須問獨自吟詩送
夕陽

南峰寺

在吳縣西二十五里支遁別菴也山有
石門

樵歸衆山昏天峰尚餘景欲投石門宿更度西
南嶺遠聞雲間鐘蘿逕入寺永懸燈照靜室一
禮步公影鳥鳴澗壑空泉響窓戶冷對此問山
僧何如沃洲境

楞伽寺

在橫山下石湖上山頂有塔隋人書碑
甚工

夕陽下西嶂，返照東湖水。來尋古寺游，楓葉秋
幾里。叩門山嶺驚，維馬林鳥起。鐘聲出煙去，半
落漁舟裏。楞伽義未曉，塵累方自恥。欲打塔銘
碑，從僧乞山紙。

堯峰院

在吳縣西南橫山寺有寶雲井偃蓋松

白龍洞

堯帝何年到，名猶在此峰。巖留千尺井，寺發兩
時鐘。僧出因尋菌，人來為看松。白雲深洞裏，聞
有聽經龍。

慧聚寺

在崑山殿柱有張僧繇畫龍今毀唐蓋
郊張祐嘗留詩余因次其韻

次孟郊韻

鳴鐘警迷方，枯僧兀趺休。石姿生寒稜，松子浴
古香。殿鎖山雨氣，樓迎海暎光。遙望蒼蒼城，愁
是車馬場。

次張祐韻

煙歛城初出，潮來野欲吞。
危樵緣磴角，倦衲憇松根。
剝表藏林寺，鐘聞隔海村。
畫龍飛去久，空掩殿堂門。

孤園寺

在洞庭山梁散騎常侍吳猛故宅也

欲闕南朝常侍宅，已為西域化人宮。
山僧歸帶漁舟雨，湖鳥來聞粥鼓風。
橋袖垂簷秋殿暗，波濤驚座夜堂空。
給孤長者誰曾見，應在煙雲杳靄中。

橋梁

臯橋

在閶門內由漢賢士臯伯通所居得名

唐妓秦娘亦居此焉

閶門啼早鴉，拂面見飛花。
綠水通螭舫，紅橋過犢車。
誰尋伯通宅，只問秦娘家。

乘魚橋

在子城西北宋吳子英嘗於此得赤鯉
有翅角乘而飛去

橋上西遊人橋下東流水游人如水流朝暮何時已誰知有飛仙赤脚踏神鯉波驚風蕭蕭渡海秋萬里左招騎龍君右携乘鸞子笑餐紫雲英同歌珠宮裏歸來舊城郭千載一日爾下看橋上人還隨雞鳴起去者已如灰來者猶似蠟不解養谷神紛紛自生死

楓橋

在閶門西七里唐張繼題詩處也

畫橋三百映江城詩裏楓橋獨有名幾度經過

憶張繼烏啼月落又鐘聲

烏鵲橋

在長洲縣治東

烏鵲何飛月自明恨通銀漢水盈盈夜來橋上吳娃過只道天邊織女行

雜賦

南山有鳥

吳王女玉悅韓重不得而死重遊學歸往哭其墓玉形見贈重明珠作歌曰南

山下有。垂虹橋一首

山有鳥北山張羅云

南山有鳥北山羅兩地一失驚風波哀鳴獨宿
心靡他竟抱幽恨歸山阿不及山上松纏綿同
女蘿君歸來聽妾歌相思感君情意多贈君明
珠淚滂沱死生茫茫終柰何

玉波冷雙蓮

唐處士李羸夜游震澤逢女郎為歌玉
波冷雙蓮之曲曰此良吳宮二隊長之
詞又歌其所製芷秀葍華之曲蓋龍女

云二曲世皆不傳予戲為補之

金風暮翦雙頭藥啼臉辭秋媽血紫宮女三千
罷笑喧錦雲障冷鴛鴦死滿江烟玉流古香尋
魂弔影愁茫茫吳天墜露衰紅濕一夜波涼小
龍泣

芷秀葍華

事見前芷即葍也香艸出吳中者佳
春香上羅襦暗引蘭橈渡蝶散掩紅房王孫歸
已暮斜條拂蛾鬢采擷同芳杜脈脈雨烟濃江

女蘇雅言
皋斲腸路

王敬伯歌

敬伯晉時人嘗泊舟通波亭下理琴有
美人共飲命小婢彈箏篴歌宛轉詞將
曉各贈物而別後知是隣船吳令亡女

麗華也

舟初維琴始薦驛亭邊夜相見謔宛轉精綢繆
解環佩彈空侯謔易闌情難歇江波寒墮明月
綠壺再傾芳音欲違譬彼林鳥逢晨各飛羅衣
沾霜城烏忽起明日相思孤單下只

吳鈞行劍名也

吳鴻扈稽也

吳鈞若霜雪吳人重游俠罇前含笑看上有雙
家血

疊韻吳宮詞

皮陸嘗有此作因戲劾之

筵前憐嬋娟醉媚睡翠被精兵驚升城棄避愧
墜淚

閩鴨篇

吳多綠頭鴨性善閩

春波漾羣鳧戲閩每堪翫宛轉迴翠吭襦褌振
文翰聲兼江雨喧影逐浦雲亂唼喋隊初交紛
披勢將散持敵忽同沈呼儔更相喚時陳水檻
側或聚湖亭畔長鳴若賈勇遠奮如追竄荷葉
觸俱翻菱絲冒齊斷魚駭沒中流鷗驚起前岍
心踰隴雉驕氣壓塲雞悍海客朝自驅溪娃晚
猶看稍欲礙行舟渾忘避流彈苦爭應為食幸

勝非囚算微鳥昧全軀臨川獨成歎

鶴媒歌

吳人弋鳥以鶴為媒

鶴媒獨步荒陂水仰望雲間不飛起遠呼過鳥
下南汀鼓翼相迎似相喜共為羽族生水鄉暫
從飲啄無猜防草盾俄開中潛弩弋師謹笑媒
矜舞嗟爾高潔非凡禽胡為狗食移此心愛人
馴養忘遠舉好陷同類機腸深嗚呼世間幾人
號君子得利相傾亦如此

牛宮詞

吳地下濕冬寒牛即入欄唐人謂之牛

宮

豕豢於筮雞棲於埒嗟爾烏犍何所止斯歲聿
云暮雨霜以風乃築環堵以為爾宮既用爾力
宜恤爾寒庇處密固我心孔安

照田蠶詞

吳俗除夜田間然高炬謂之照田蠶

東村西村作除夕高炬千竿照田赤老人笑祝

小兒訝願得宜蠶又宜麥明星影亂棲鳥驚火
光辟寒春已生夜深然罷歸白屋共說豐年真
可卜

偃松行

在天平山西舊文正書院前

龍門西岡魏公祠：前有松多古枝長身蜿蜒
橫數畝巨石作枕相撐撐春泥半封朽死骨凍
蘚盡裂皴生皮無心昂聳上霄漢偃仰獨向荒
山垂壑雷破嶽撼不動千載一夢醒何遲政如

卧龍未起日深意有待風雲期太湖月出照夜
魄天峰雪積埋寒姿濤聲時吼若鼯息野老驚
起山僧疑左伸右屈多異態天自出巧非人為
畫師安能把筆寫樵子豈敢操斤窺杜陵枯柟
已樵悴蜀相老栢非瑰竒何如此樹惟且壽呵
衛定想煩靈祇不知已閱幾人代游客過盡今
存誰明堂屢興不見取得全正愛同支離我嘗
來觀忍遽反醉坐其上高吟詩葛陂節竹亦騰
化神物終去可久羈何當一叱使飛起載我萬
里游天池他年還訪舊城郭正是白鶴歸來時

弔幽獨君

唐大曆十三年虎丘山石上隱出詩二
首甚哀又自言其墳在山北然不知何
人也

君本何代人姓名復為誰何年棄人間長眠此
山陲荆榛鬱蒙籠孤墳上無碑游魂久未化哽
咽還能詩人歿乃歸滅憂樂豈復知君何獨煩
冤猶有親愛思一死衆所同已矣焉足悲陳辭

為相弔此理君當推

開元寺石鉢

晉有漁者得於滄瀆將貯葦茹忽見佛像於外遂獻於寺其質非石非玉今存寶石當年琢帝青浮波不異木杯輕傳靈已歷乾陀國乞食曾來舍衛城漁父得時初洗獻法王在日每擎行寺僧見客休頻出恐有藏龍此內驚

兩妓

李娟張態樂天守吳時名妓也

李娟張態兩嬌姿傳得香名在白詩當日樽前漫歌舞使君家自有楊枝

甫里即事

甫里在松上之上陸魯望所居也余寓其北渚頗擅煙波之勝為賦六言四首
長橋短橋楊柳前浦後浦荷花人看
鷗送船歸釣家風波欲起不起煙日將斜未斜
絕勝茗中剡曲金齏玉鱠堪誇

此下有兩山
過想龍山
二首

如蘇詩言
嗟：綠頭鴨闖翻：紅尾魚跳沙寬水狹江穩
柳短莎長路遙人爭渡處斜日月欲圓時大潮
我比天隨似否扁舟醉卧吹簫
江廟漁郎晚祭津亭估客朝過鐘邊山遠水遠
篷底風多雨多饑蟹銜沙落斷懸禽映竹窺羅
了頭兩槳休去為唱吳儂棹歌
橫網不遮過客渡船時載歸僧炊菰飯勝炊稻
采蓮歌如采菱烟外晚村弄蘆沙過夜店停燈
短蓑舞拍銅斗我亦年來稍能

璿姬墓

夫羌女也

夢別夫容殿頭墮釵零落誰收土昏青鏡忘曉
月冷珠襦恨秋麋鹿昔來廢苑牛羊今在荒丘
香魂若怨亡國莫與西施共遊

溼空閣

在靈巖寺

哀：波濤漠：天曲欄高棟此山顛置身直在
浮雲上縱目長過去鳥前數杵秋聲荒苑樹一

重出

帆膜色太湖舡老僧不識興亡恨只向游人說
往年

陽山

在城西北古名秦餘杭山吳中山最高
者中有白龍湫旱必禱焉

我登此山巔不知此山高但覺羣山總在下坐
撫其頂同兒曹又見太湖動我前洶涌三十萬
頃煙波濤長風吹人度層嶂不用仙翁赤城杖
峰迴秋礙海鷗飛日出夜聽天雞唱中有一泉

長不枯乃是蜿蜒神物之所都老藤陰森洞府

黑樹上不敢留棲鳥常年禱雨車來此投金符

靈旗風轉白日晦馬鬣一滴露三吳巖巖巖蒼

境多異樵子尋常不曾至探幽歷險未得歸忽

聽鐘來澗西寺此時望青冥脫略塵世情白雲

冉冉足下起如欲載我昇天行古來名賢盡何

有唯有此山長不朽欲呼明月海上來照把長

生一瓢酒浮丘醉枕肱洪崖笑開口天風吹落

浩歌聲地上行人盡回首

白馬欄

在天峰支道養馬處今有馬跡石

白馬何不居天閑乃在古寺長松間竒姿不受
世羈絡遠自竺國馱經還澗邊飲罷寒雲起恍
惚化龍跳入水空山夜雨不聞嘶埋沒蹄痕紫
苔裏高僧一去今幾年世上神駿還誰憐莫令
老逐風塵子憔悴哀鳴涂路邊

言公井

在常熟縣中世傳子游舊宅井也

寡武城宰遺井虞山陰千載汲未竭九仞功
應深孰圃自可灌道源誰復尋絃歌聽已歇瓶
綆看還沈無為滌弗食惻起歎音一歌樂未
改庶幾回也心

虞山

在常熟縣北虞仲隱處也為作望虞山

辭

虞山峨峨兮出雲油胡歛其施兮弗兩九州
下有蛟龍兮海波橫流誰使子來兮從伯氏以

游朝於隣兮望岐周國有祀兮有何求唐虞逝
兮道阻修慚德輿兮干戈日休我思夫人兮心
焉孔憂

石屋

在太平山

雙崖立幽關一洞開深宇青障近為隣白雲間
作主不受杜陵風可避河朔暑華棟幾回新渠
渠獨千古

飛來峯

在太平山

風吹蛾眉雲來依此山住我來不敢登只恐還
飛去

五丈石

在太平山

勢危撐月墮影瘦倚雲平彷彿華峰井蓮花一
半生

短簿祠

在虎丘晉王珣也寺其故宅也

下馬空林問廟扉，衣冠寂寞掩塵幃。不能復使桓公怒，莫恠年來祭客稀。

天池

同臨川公遊而作有池
在華山絕頂，歲旱不涸。池傍有石名龜

巢，又有雲門集仙壇。張公洞老子枕中

記云：池生青蓮花，服之羽化。

群山散筮澤，次第記曾到。茲峰最靈竒，獨失有

遺慎。故人總時彥，休沐偶得告。林壑軫遠情，招

携誓同造。出郭縱鞍輿，入谷屏牙齶。時當寒冬

晨嵐霧恣披，冒幽：霜泉微卷：風葉燥尋溪

見人烟，問嶺知佛號。意行恐迷誤，遠託樵子導。

雲門不為閑地僻，夜無盜。居僧作蠻音，揖杖喜

迎勞客來。豈先知定有山鬼報，方池開層巔。早

歲貯深潦，清暉蕩空明。萬影鏡中倒，雨壁削古

屏風林。舞高翹，龜巢宜列坐。苔淨不用掃，浮杯

逐流葉。宛轉繞涯隩，雪餘波更澄。照鬢脫烏帽，

青蓮可服食。傳記在仙誥，松鳴古壇虛。泉滴幽

洞與嶙峋，岡頭石突起。類爭暴，緬懷融鑪初。天

巧亦多耗探深識後返升險戒前躁谷緩晚應
饑澗鳥寒不噪欲歸更留憇禪榻近茶竈詩歌
叢桂篇琴奏猗蘭操樂哉此嘉游去俗似高蹈
及春幸重来芹藻應可芼何須效羊公登峴發
嗟悼世路難強馳有力漫如弄富貴不可求盍
亦從所好斯理苟未宜山水解相傲微言倘或
能勿為俗士道

其華山老子枕中記云此地可度難池中生千葉蓮服之羽化

靈峰可度難昔聞枕中書天池在其巔每出青

芙蓉湛如玉女盆雲影含夕虛人靜時飲鹿水
寒不生魚我來屬始春石壁煙霞舒灑。月出
後冷。雪銷餘再汎知神清一酌欣慮除何當
逐流花遂造仙人居

垂虹橋

在吳江即長橋也

行人脚底響波濤驅石神鞭是孰操影落蛟龍
朝窟暗形垂蟠竦暮天高烟中去憶鷓夷遠月
下吟誇長史豪幾度憑闌賞秋色鱸魚新買繫

歸舫

姑蘇雜詠跋

姑蘇雜詠一百三十六首鄉先生高太史季迪所作也蘇為江南名郡自周泰伯封地為吳至壽夢而始大歷漢唐宋以迄於元其間人物之盛衰風俗之厚薄學者所當知也山川之清古宮室之廢興學者所當考也然欲知之者不但知其粗必欲知其精欲考之者不但考其事必欲驗其迹

因其迹以究其精此雜詠所以作也傳嘗考閱郡志雖知其槩然以未得弔古追覽為恨間得休暇從畸人逸士徜徉山澤詢於故老皆曰昔之魏宮而峻宇者鞠為草莽之墟矣昔之崇臺而茂苑者更為麋鹿之所矣我

聖明受命涵煦生民三十餘年雖昔宮室之有廢興然山高而水清者固自若也人物之有古今然風淳而俗美者猶自如也禹古

追覽之際能無所感乎此雜詠所以人傳
誦而不已也錫山蔡伯庸氏得其全集謀
契諸梓慮其傳寫之訛屬傳編次而校正
之復需言識於簡末傳媿庸陋不足以序
其後然以晚生是邦雖不獲從先生杖屨
以游幸得觀其全集與二三故老更唱迭
詠以助升高望遠之懷亦太平之一樂也
尚何以庸陋辭哉若其詩之妙絕足以鳴
盛世之音者已有大方之論茲不敢贅覽者必

句得焉

洪武三十一年歲戊寅五月朔郡人周傳
識

乙丑三月十七日校完沈村氏

洪武本有西山在矣載者凡五題

顧榮廟 虎丘 天平 太湖 雨中過龍山二首

韓蘄王廟詩殘處止說走下矢落二十七句

蘇林書

蘇林書

